

FORMVLA 2

REFORMATIONIS

PER CAESAREAM MAIE

statem statibus Ecclesiasticis in

comitiis Augustanis ad deli

berandum preposita, & ab

eisdem, vt paci publicæ

consulerent, & per

eam Ecclesiarū,

ac Cleri sui

utilitati

commodius prouiderent,

probata & recepta.



Cum Gratia & Priuilegio.





A R O L V S Quintus, Diuina
fauente Clemētia, Romanorū Im-
perator Augustus, ac Germaniæ,
Hispaniarum, vtriusq; Siciliae, Hieru-
salem, Hungariæ, Dalmatiæ, Croa-
tiæ &c. Rex Archidux Austriae.
Dux Burgundiæ, Brabantia &c. Comes Hab-
spurgi, Flandriæ, Tyrolis &c. Vniuersis & singu-
lis nostris & sacri Romani Imperii Electoribus, &
Principibus Ecclesiasticis. N. Archiepiscopis, Epi-
scopis, & aliis Prælatibus, cuiuscunq; gradus, digni-
tatis & præminentia existant. Gratiam nostram
& omne bonum. Venerabiles Electores, Princi-
pes, & consanguinei nostri charissimi, ac honora-
biles, deuoti, dilecti. Gratissimum nobis fuit, pla-
cuisset Dilectionibus vestris, & vobis conceptam
reformationem, ex qua disciplinam Ecclesiasticā,
multis partibus deformatam, pristinae dignitati ac
nitori restituere pro virili vestra statuistis: cupien-
tes ea parte sollicitudinis, quam suscepistis e manu
Domini, afflictis Imperii rebus succurrere, &
omni studio ac diligentia, collapsam penē Reli-
gionem erigere, ac confirmare. Quam vestram
voluntatem, egregiam sanē ac piam, vt perspectā
ante habuimus, & nunc libenter agnoscimus, ita
quoq; deinceps in ipsa rerum administratione ope-
ram vestram futuram strenuam ac diligentem no-
bis pollicemur. Ideoq; ne pius hic exercendæ Re-
formationis calor longa temporis dilatione refri-
geretur, valde nobis probatur, quod in hoc ipsum
de celebrandis Synodis Dioecesanis, ad festum diui

Martini diem proximum constituistis. Nā prouin-
ciales vt ante Quadragesimā omnes absoluantur,
Videtur omnino necessarium, quod erit facile iis,
quibus Prouinciæ non sunt amplæ, iis vero quo-
rum Prouinciæ latius patent, non ita difficile, si
Suffraganei, & quos conuenit interesse, in tem-
pore admoneantur, & conuocentur. Eam vero
moderationem, quam quibusdam locis adhiben-
dam esse censuistis, quæ iam ipsi Reformationi
apposita est, nobis quoq; est visum, & rerum ip-
sarum conditioni, & temporibus his conuenire.
Quod vero petitis, vt literis nostris agamus cum
summo Pontifice, vt se ad progressum huius ope-
ris sancti ac necessarii, aliquot reformationis lo-
cis accomodet, illis videlicet, vt Coadiutores
qui examine explorati, indigni deprehendantur,
summuouerī possint, vt Beneficiorum & Episco-
patuum pluralitas refrenetur, vt Præpositure,
& aliæ quædam dignitates, sedi Apostolicæ re-
seruata, ad Articulum illum reformationis reuo-
centur, qui statuit non nisi idoneos & examine
probatos ad eiusmodi dignitates esse admitten-
dos, vt locorum ordinarii corruptos mores re-
formare, & excessus corrigere possint, non ob-
stante exemptione, aut priuatis personis, aut ca-
pitulis Ecclesiarum per sedem Apostolicam con-
cessa, alijsq; nonnullis. Nos quidem, quo ad no-
stra fieri poterit, diligenter agemus cum ipsius
sanctitate, vt in re tam iusta & necessaria, officio
suo desungi velit.

Data in ciuitate nostra Augusta Vindelica, Die
nono Mensis Iulii, Anno a' natiuitate Domini
Millesimo quingentesimo quadragesimo octauo.
Imperii nostri vigesimo octauo, & Regnorum
nostrorum trigesimo tertio.

CAROLVS

**Ad mandatum Cæsareæ
& catholicæ Maiestatis
proprium.**

V. A: Perrenot:

**Io. Obernburger
subsc.**

FORMVLÁ REFORMA TIONIS PER CAESAREAM

Maiestatem statibus Ecclesiasticis in Co
miciis Augustanis ad deliberandum
exhibita, & ab eisdem pro
bata ac recepta.



Vtabusus & scádala, propter quæ deus iratus seueriter adeo Ecclesiã suam castigat, tollantur, reformeturq; Clerus & populus iuxta sacros Canones, traditiones maiorum, & sacræ scripturæ normam, (quátum eius per hanc tempestatem fieri potest) donec cõcilium generale distidiis & abusibus modum ponat, in primis necessariũ est, vt redintegretur repurgeturq; ordo Ecclesiasticus, quo cõfuso indiscreto & incerto, tota Ecclesiæ facies confusa est, & variis iactatur modis.

Lectum
Augu
stæ Vin
delico
rũ. 14.
Iunii, an
no 8c.
48. pro
statibus
Imperii
ecclesia
sticis.

De ordinatione & electione Ministorum Ecclesiæ.

Priusquàm admoueaturn aliquis sacris ordinibus, diligenter inquirẽdum est de fide, de moribus, de scientia, & ætate ordines petentis.

De fide quidem propterea, quòd qui rectã fidẽ non tenet, ad fidei sacramẽta iure admitti non debet. Itaq; diligenter ordinãdus examinari debet, de hæresibus hoc potissimum tempore iactatis, an in articulis hac tempestate cõtrouersis, hoc sin

Ex Con
II Tolet
Ca. 10.

ceriter credat, profiteatur, & semper retine-
re velit, quod Romana catholica, & apo-
stolica tenet Ecclesia. Nam de sepultis hæ-
resibus, & nusq̃ emergentibus inquirere
specialiter operæ pretiū nō videtur. Expe-
dit tamen simul explorare affectū, quo du-
catur ad gradus Ecclesiasticorum ordinum
petendos, & an propositum eius pium,
sanctum & firmum sit.

Mores autē constare, & probari debent,
fidei ac certo testimonio Parochi, Præce-
ptorum & proborum virorū, apud quos
maiorē vitæ partem ordinandus exigit,
cū beatus Apostolus requirat, vt habeat
testimoniū bonum ab eis etiam qui foris
sunt, & sit sine crimine, irreprehensibilis, iu-
stus, sanctus, sobrius, continens, pudicus,
perdens, modestus, benignus, ornatus, nō
superbus, nō litigiosus, non iracundus, aut
procussor, nec vinoleatus, aut turpis lucrī
cupidus &c.

Scientia saltē explendis ministeriis, ad
quæ ordinatur, sufficiens, constare debet
non titulis, quos mercatus sit quispiam
in Gymnasiis, aut ab aliis dignitatem &
titulorum venditoribus, sed diligenti eius
examinatione.

Licet autē Canones antiqui statuerint,
vt ante Trigessimū ætatis annum nemo
in Episcopum, vel Presbyterum ordine-
tur, ministrorum tamen inopia, post tam

1. Timo. 3

In con. Ro-
mano sub Hi-
lario papa ca-
none. 3.

In con. Neo
Cæsar. can. 11
Rigorē cano-
nū de ætate

latam huius ordinis stragem, hodie postulat, vt qui alioqui dignus est, in anno vigesimo quinto ab hoc ordine non repellatur.

In his omnibus solerti cura aduigilare debent Episcopi, Nam ad illos præcipue pertinet ordinandorum examinatio, dicente Apostolo, Manus nemini cito imposueris, aut si p valetudinē & causas, Deo iudice (cui sunt ordinationem luarum daturi rationē) dignas id nequeant, curēt saltē per idoneos Vicarios, & viros pios, sacrarūq; literarū, Canonum & traditionū Ecclesiasticarum peritos fieri, ne spectacula tantū inquisitionum ædantur, aut testimonia subornentur non legitima, nec idonea, aut superficialis tantū & perfunctoria fiat examinatio, sed diligens & seria, cum proclamatione præcedēte ad plebē parochiæ, vbi ordinādus habitat, si cōmode fieri possit, nullusq; sit ab examine illo liber.

Ad Episcopatum assumi nemo debet, nisi sit sacerdos, aut promittat se velle gradus, quos nondū habet, omnes in proximis ordinationibus absq; fraude, dilatiōe, aut tergiuerlatione suscipere.

Ad Prælaturas soli digni, atq; idonei designandi sunt, & admittendi. Qui idonei sint, examinatio probabit, si tales inueniantur, vt corū comparatione illi quibus præficiantur, grex merito dicantur.

Ad ecclesias Parochiales nemo proucha

ordinādorū, tēperat necessitas: Gelasi in epist. decr. ad episc. Lucan. Brutior. & Siculorum.

Dist. 81. tātis Daniel.

1. Timoth. 5.

Ex conc. 4.

Carth. ca. 22.

Ordinatos in dignos absq; examine ecclesia abiicit.

Vide can. 9.

concilii Nice.

& eundē allegatū in. 6. cōcil. Cartha.

Dist. 60. Nul-

lus in episco.

Ibidem. Nul-

lus in præpo.

tur, nisi sciat, & velit populum docere, & verbum
Dei pro capto suorum prædicare.

Episcopi & Archidiaconi designatos siue p
lectionem, siue per collationem non prius inuectiant
nec ad Ecclesiæ munera subeunda admittât, quàm
exploratum ipsis diligenti exanime sit, eos esse ido
neos, & vocationi suæ pro viribus se satisfactu
ros polliceantur.

Nulla pro examinatione exigatur pecunia, cum
ad hæc tam necessaria officia habeant Episcopi, &
ad quos examinatio pertinet, ampla satis stipēdia.

In eis quoq; , qui ad Ecclesiasticas dignitates,
curas, vel beneficia, per Coadiutorias, aut resigna
tiones contendunt, eadem cura, quæ in electione
& collatione exigitur, est adhibēda, nec recipiendū
aut admittendi sunt huiusmodi homines, nisi exa
minatione præscripta comprobentur idonei, qua
les si non fuerint, qualecunq; sit resignatum illud
beneficium, vacabit, & adsciscendus erit alius in
reiectionis locum.

De ordinum Ecclesiasticorū officiis.

Cum duplex sit potestas, vna Ecclesiastica, alia
temporalis, quæ longo distant intervallo,
Episcoporum Germaniæ pars maxima, præter
Ecclesiasticam, etiam temporali præditi sunt. Est
autē præposterum, & vocatione eorum indignū,
res temporales spiritualibus præferre, & rebus se
cularibus sedulo intentos eos principes tantum
agere, curam vero Ecclesiasticam omnem reiicere in
Vicarios

Vicarios, dicentibus Apostolis: Non est æquum nos relinquere verbum Dei, & ministrare mensis. Ita ergo eis vita instituenda est, vt appareat eos Episcopos potius, quàm principes esse: & cœlum potius quàm mundum hunc cogitare.

Est autem proprium Episcopi officium, regere ecclesiam Dei, quam sibi Christus acquisiuit sanguine suo, ad quod pertinet pascere oues eius cibo verbi Dei, Sacramentis, & exemplis, confirmare Baptizatos, examinare: & ordinare ecclesiæ ministros, Synodos celebrare, Visitare suâ prouinciam, & lupos ab ea abarcere. Quæ si fidelis & bonus Pastor est, per se potius, quàm per Vicarios, quantumuis pios, & doctos, pro ædificatione Cleri, & populi sui obibit, nisi aliqua legitima causa impediat.

Debet igitur omnium ouium suarum habere curam, sed præcipuè Cooperariorū, per quos regit oues, & dispicere, vt suum quisq; munus fideliter in Ecclesia exequatur. Etsi enim omnes oues nosse suæ naturæ vires sit, compastores tamen, & in opere Dei coadiutores suos vt cognoscat, est opus, vt sciat quomodo præsint, quid doceant, quomodo Traditiones & Ritus ecclesiasticos seruent, quomodo viuât, ædificet, an corrumpât gregē. Ex his enim pendet disciplina, & salus populi. Sic poterit desides, ac torpentes arguere, inutiles remouere, & corruptores, perniciosos, ac scandalosos etiâ plectere.

Pertinet quoq; ad Episcopum sollicitè inuigare, ne Lupi gregem inuadant, quibus sese obicere pro gregē fortiter, & strenuè debet, eosq; abigere,

Acto.
Ex cor
4.
Cartha
ca. 15.

Acto
20.

Ioan. 1

Hebr. 13
Rom. 16

ac persequi, nec ferre, vt doctrinis nouis & peregrinis, aut per dulces sermones corrumpantur, atq; a veritate abducantur oues pro quibus Christo daturus est rationem.

Ex epist.
decret.
Leon. ad
germāiæ
& gallica
Episco-
pos de
Chorepi-
scopis.
Cor. 4

Archidiacones, quos alii Chorepiscopos, alii Archipresbyteros, alii Decanos appellant rurales, quocunq; censeantur nomine, in partē sollicitudinis cōstituti sunt, & vocati, vt certæ regiunculæ Pastoribus seu parochis, ne in officio negligentes sint superintendāt. Horū est Synodis Episcopalibus interesse, referre, & exponere illic suæ portiunculæ statum, & vna cū patribus consulere, ac decernere, Synodalia Decreta, & sentētias, placita quoq; Episcoporum publicare curæ suæ parochis, & exequi, & præter confirmationem ac ordinationē, & propria solius Episcopi munera, ea omnia in suo præstare Territorio, quæ in Diocesi Episcopus, cuius sunt oculi, sollicitē inuigilātes, vt si quid aduersus fidē, pietatemq; Christianā emergat, Episcopo idiplum, ad quem cura prima pertinet, significant.

Cor. 4

Parochi, dispensatores sunt verbi Dei, & sacramentorum, qui vt fideles inueniantur, debent frequenter populum de his, quæ ad fidem & religionem nostram pertinent, docere, eosq; instruere, vt norint quid credere, & quomodo conuersari, ac viuere in sua quisq; vocatione debeant. Administrare quoq; debent sacramenta, & eorum gratiam mysticam exponere, arguere eos quorū publica sunt peccata, publice: occulte vero delinquētes, in priuata confessione, & in omnibus se nō segnes, aut cecos speculatores exhibere, ne sint velut canes muti, non

aiæ. 56

valentes latrare, Sed quasi tuba annuncient populo peccata, & ad conuersionem & pœnitentiam eos adducant. Incorrigibiles vero & præfractos referre debent ad maiores, vel publica satisfactione curandos, vel ab ecclesia proscindendos. Esaia. 38.

Debent quoq; Parochi paruulos (quæ est pulchra Ecclesiæ portio, & apta disciplinæ pietatis) nō negligere, Sed eos, ac rudes quosq; suæ parochiæ, certis tēporibus instruere, & catechizare, vt discāt Symbolum, Precationem Dominicam, salutationem Angelicam, & Decalogi præcepta. Aut certe habere Sacellanum, aut Pædagogū, per quos officia ista minora præstent, Vt vero totam curam in Mercenarios reiciant, Canones non permittunt.

De officio decani & Canonicorum.

IN collegiis, vbi diuersi sunt ministrantium gradus & ordines, Decanorū est exemplo suo præcedere, verbo monere & prouocare collegii sui clericos, & familiam, vt suæ quisq; functioni gnauiter incumbat. Et eo, ad quem destinatus est loco, ministret in diuinis, & Collegii rebus, neq; enim vt torpentes vacent, sed vt muneri suo satisfaciant, et vitam ducant appellatione sua dignam, constat Clericos ordinari. Debet itaque Decanus continere clericos, in decenti, ac ordinata officii diuini persolutione, in vitæ & morum honestate, in religioso habitu, in disciplina, in lectione & studio sacræ scripturæ, quo Psalmodiæ, preces, officia diuina, & ceremoniæ statis horis ad laudem Dei. & po

x con
atera.
in.7.
puli ædificationem, secundum instituta patrum, di
gna maiestate persoluantur. Inobedientes vero &
ebriosos, luxui indulgentes, Aleatores, perculso
res, scortatores & officium negligentēs, publice ar
guere, seueriter corripere, sacris abarcere, Multare
etiam prouentū & distributionibus, pro excessuū
grauitate, iuxta potestatem, qua de iure & consue
tudine ecclesiarum funguntur.

Scolasticorum est docere indoctos, eosq; in his,
quæ ad pietatem & cultum Dei pertinent, erudire,
aut curam hanc procurare. Præsertim vero iuuen
tutē regere, eisq; idoneos ac probos præficere pæ
dagōgos. Sint scholastici viri graues, qui iuuentu
tem ecclesiæ ministeriis destinatam in potestate ha
beant, & curent, vt sub eorū disciplina, doctrina,
pietate, & morū honestate imbuantur, & caueāt,
ne emancipent, aut ad capitula tales præsentent,
quos propria vitia reiciunt. Sic cantorū est, modū
dare eis, quæ in Choro canuntur, ac intonare, sic
thesaurarii, sic lucentores, sic Vicarii, & reliqui mi
nistri omnes, debent suo quisq; loco, quod eis ex
nomine, vel officio, vel præsidentium mandato in
cumbit diligenter obire, quo decenter ac ordinate
omnia fiant inter eos.

Cor.
4.
Canonici omnes debent in his, quæ ad cultū di
uinum, obseruationē Canonum, & mores bonos
pertinet, Decano suo humiliter obedire, diuinis om
nibus interesse, modestia, grauitate, pietate, eleemo
synis ac bonis exemplis populū ædificare. Nō de
ambulare in templo, diuinorum tempore, nec cōfa
bulari, oculos habere pudicos, in cellum minime la

Ituo sum, Ecclesiasticum officium, cuius gratia beneficiū percipiunt, vltro, prompte, & reuerēter persolvere ac adimplere, Vt dum ore cantant, canant & mente, & ita ne videantur tanquā conducti mercenarii trahi, & pecuniæ potius q̃ Deo seruire, & magnarum distributionū tempora anxie, minorum negligenter obseruare, ac si stipendium præcedere officium debeat, & non potius sequi.

Quo vero doctis & claris viris collegia ornentur & vigeant, Decanus & collegium studiosos alios quos, qui spem de se bonam præbent, debent mittere ad Academies & vniuersitates celebres, & dare studiis eorum sufficiens tempus, ac interim eos habere pro præsentibus in Collegio, aut sanè quantū pro victu & libris eis sufficiat, suppeditare. Quam in re si negligentes fuerint, poterunt Episcopi auctoritate ad hoc cōpelli. Curent tamē ecclesiā prælati, de iis, qui studiorum causa absunt, diligēter cognoscere, & si compererint eos negligentes, aut peruersis moribus deditos, sumptus antea dari cōsuetos, eis subtrahant, & in alios melioris spei iuuenes, eosdem transferant.

De horis Canonicis & Psalmodiis.

IN cultu diuino post Missæ sacrificiū in Ecclesia primas tenent preces Canonice, in horas septē distributæ, ad quarū obseruantiam, qui maioribus ordinū gradibus sunt initiati, seu de beneficiis gaudent ecclesiæ, præcipue obligantur, quo preces, laudes, & gratiarū actiones Deo pro ecclesia,

De celebra. mil. farū can. presby.

i. Co. 9

cuius sunt ministri, cū grauitate & decentia modulentur atq; persoluant, & in lege eius nocte dieq; versentur. Ideo enim de altari edūt & participāt, q̄a altari seruiunt. Præposterū est autē, & tam naturæ q̄ dignitati ac institutioni cultus illius diuini contrarium, velle curam hanc ad postremos tantū ordines aut conductitios succentores relicere.

Ex con.
Agathe.
can. 30.

Forma autem cantionum & precum illarū quondam ab antiquæ ecclesiæ patribus, & postremo a beato Gregorio, aliisq; ecclesiæ Rectoribus purior tradita, ordineq; præscripta est. Verū ad hanc temporū vitio, multa nepta, apocrypha, parumq; ad sincerum cultū pertinentia, nō negamus irrepisse.

Ex con.
Mileui.
canoca.
pit. 22.

Quod ipsum & Breuiariis (quorum v̄sus permissus est propter eos, qui iustis impediti negotiis, choro nequeūt interesse) v̄u venit, quæ operæ pretium erit, vta' viris doctis & piis (quos Episcopi interim in sua diœcesi ad hoc dare debeant) emendetur, & reducantur ad puriorem & antiquiorem ritum, nec tamen modus, quem nunc ecclesiæ in precibus Canonicis seruant, mutetur, sed in locum eorum, quæ emendatione indiguerint, meliora & puriora reponantur, quo sancta, auctētica, & officio diuino digna sint omnia, quæ horis illis recitantur. Episcopis vero cura hæc relinquēda videtur, vt de hac re diligenter cogitent, si quid forte de sanctorū historiis in eum v̄sum publicari possit, quo ecclesiæ Germaniæ interim rectē in lectionibus matutinalibus vterentur, donec ea de re per Concilium generale statuatur.

Expēdret ad hæc frequentes earundem precum

& psalmodi in vna die repetitiones, memorias item
quæ suffragia vocantur, quibus ad fastidium vsq[ue]
plerisq[ue] in locis Sacerdotes grauantur, tollere, quo
prolixitas neminem ab illis quæ secundum feriarum
& temporis cursum, dicenda erant, deterreat, aut ad
ea impellat, quæ de sanctis, breuiore quidem com
pendio, at fructu nonnunq[ue] minori, dicuntur. Horæ
tamen Canonice integre permaneant, sublatis tan
tū accessionibus quibusdā, quæ minus necessariae
videntur, idq[ue] auctoritate ordinaria Episcoporum, ita
tamē vt voluntates fundatorum firmæ permaneant.

De Monasteriis.

EO maxime dolendum est Monasteria mul
ta in Germaniis excisa, & euerfa, quædā etiā
sponte deuialle ab instituto, & vix pauca re
stare, vt olim integra, quod Monasteria apud pa
tres nostros officinae erant, cultus diuini, & paupe
rum quædā Cellaria, in quibus vnus voti ac profes
sionis homines certis horis die noctuq[ue] Deū psal
modiis & laudibus colebant, horas intercalares cra
tioni, lectiōi scripturarū sacrarum, meditationibus
rerum celestium, & aliis studiis pijs & honestis da
bant, ieiunijs se castigabāt, & quod supererat, egro
gabant in pauperes, quibus sanē viis ad Euangeli
cam perfectionē cōtenditur, Hinc nō modo leges,
Canones, & ipsius naturæ iura, verū etiā tam ne
cessitas publica quā Monastici instituti sanctitas
efflagitant, vt reformentur, & quantū fieri potest,
reparentur & conseruentur.

Igitur Monasteria cuiuscunq; sint ordinis, quæ ab institutis suis degenerarunt, debent secusdū Regulas, quos professi sunt, absq; omni personarum respectu, a visitoribus suis reformari, & Monachi in obedientia & religione sui ordinis contineri.

Ex con. Aurelia nen. can. 21. Repugnantes vero, & reformationis impatientes, sine exceptione ad eam subeundam cogi. Quod si visitatores ad hoc non sufficiant, debent aut ordinarii, aut magistratus, vel principis opē implorare. Et habetur. 18. q. 2. Ab aliquam sacræ scripturæ illustratricem, qua deuotionem suā alant, seq; ad pietatem continuam exerceant, & se ad prædicationē verbi diuini aptos efficiant. Vbi vero pauci sunt Monachi, idemq; inopia laborant, debent nihilominus vnum vel duos mittere ad aliud Prouinciæ suæ Monasterium, vbi scholæ restructæ sunt, qui in literis sacris simul & in religionis obseruatiā, illic instituantur et proficiant.

Non exerceantur Monachi rebus prophanis, sed in locis vbi se Deo deuouerunt, permaneāt, nisi forte ad concionandum, vel sacra peragenda, aut ad aliud Monasteriū a suis prælatis mittantur, aut ad curam animarum, ab ordinariis locorum euocentur, de consensu Prælatorum suorum, sub quorum obedientia nihilominus manere debent, qui possint eos corrigere & reuocare. Sic tamen vt prælati ordinam, episcopis in hac necessitate non desint tempore vero quod eis a diuinis & lectionibus reliquum est, semper pii & honesti aliquid agant, vt
cos

eos semper inueniat Diabolus occupatos.

Non debent item Monachi, quamuis opulenti,
& regalibus dotati munificentis, ociosos & vanos
facere sumptus, nec familiam superfluā, nec equos,
ad fastum & pompā potius quā ad necessitatem,
Principum more nutrire: magisq; secularem quā
religiosam ducere vitam: sed in humilitate viuere
frugaliter: & quæ ultra necessitatem supersunt: in
pauperes et educationem studiosorum: quo possint
ecclesiæ Christi olim vsui esse: vtiliter expendere.
Idq; cum authoritate ordinariolorum loci: si illis sint
subdita Monasteria: aut habeant ius visitandi eadē
in cæteris fiat hoc per eorū Prælatos.

At vbi per hanc tempestatē vel excisa sunt mo-
nasteria: vel exausta monachis & deserta: debent
visitatores initio duos aut tres bene institutos: ac
probæ vitæ menachos illo mittere: qui monasti-
cen rursus introducant: & quantū fieri poterit om-
nia restaurent.

Monialibus continentiam professis nequaquā Mo-
nasteriorum suorum septa egredi licebit, sed in eis
latere debent, ac soli Deo pudicitiaæ amatori, cui se
cōsecrarunt, quemq; repudiatis huius seculi amato-
ribus præoptarunt, se conseruare illibatas, nec item
patere debet eis virorum conspectus, aut viris per-
mitti, vt monasterium ingrediantur, nisi inuitabi-
lis necessitas requirat.

Cum non detur autem eis suasmet res foris pro-
curare, Economum sibi deligere poterunt fidum,
frugalem, & honestum, qui debeat eis & visitatori
quater in anno, & quoties poscitur reddere nego-

Destat
regula.
i. 6 cap.
pericu-
loso.
Ex con-
epauce
can. 3 &
In Sext
de statu
regul. 6
Petro

lemoni
les.

Ex con.
Mogu.
can. 13.
Ex con.
Roma.
sub Eu
glio. 2.
can. 3.
i. Ti. 28
i. Petri
1.

tiorū suorū rationem. Quod si inutilem eum, aut
grauem, vel infidū experiantur, poterunt eo amo
to, alium surrogare.

Quæ vero continentiaē studium sectantur absq̃
voti professione, & vitam in collegiis ducunt reli
giosam, quales vocantur canonicae, etiam si nō ha
beant (quam tamen decentissimum esset habere)
mensam communem, sed suam quæq̃ peculiarem,
debent tamen cōmune habere dormitorium, ne pu
dicitiaē insidiatori Sathanae derur occasio, ad incon
tinentiā tentandam. Debent quoq̃ a nimis exqui
sito & procaci habitu abstinere, nec seculariter com
ptis incedere vestibus exultæ, sed in habitu mode
sto, mundo & casto, vt sint earum monasteria scho
lae pudicitiaē, & virtutum, in quibus filia nobilium
discant nō lasciuire, non superbire, sed Deum time
re, orare, & piis assuescāt exercitiis, ac moribus bo
nis. vbi voluerint, nupture in Domino. Talia autē
collegia sicubi in his virgines ob liberiores vitam
famam suam in periculū adducant, per superiores
& Episcopos reformatur.

De scholis & vniuersitatibus.

Scholæ semina sunt, non Prælatorum tantū
& ministrorum Ecclesiæ, verum etiam magi
stratuū, & eorum qui consiliis suis respublicas
gubernant, quæ si negligantur, aut deprauentur,
necesse erit, & ecclesias, & respublicas inde pericli
tari, propterea de earundem instauratione magna
cura habenda est.

In primis igitur, vbi extat fundata authoritateq;
ordinaria probatae vniuersitates seu Academiae,
debent destinata praeceptoribus & studiosis benefi-
cia & stipendia, Priuilegia itē, & immunitates, atq;
exemptiones a vectigalibus, exactionibus, colla-
tionibus & oneribus publicis, tam discipulis q̃; prae-
ceptoribus, ante omnia tuta conseruari, nec ab vllō
hominum quantauis potestate sit prae datus, infirma-
ri, infringi, aut alio conuerti, q̃; destinata sunt.
Quod si prouisores beneficia huc destinata, in alios
contulerint, irrita debet haberi, & esse collatio.
Et qui damnum vniuersitati intulerint, ad satisfatio-
nem compelli.

Curandum est in singulis Academiis, vt nō nisi
probati autores in artibus & disciplinis, auditori-
bus praelegantur, atq; vt doctores & magistri, qui
doceant iuuentutem, probi sint catholici, & de re-
ligione christiana bene sentientes.

Ad hæc qui in numero Studentium volunt ha-
beri, & priuilegiis vniuersitatum frui, ac gaudere,
nō debent priuilegiis & libertate sua abuti, sed sub
obedientia et disciplina viuere rectoris, qui eos de-
linquentes: et statuta prætergredientes: præ erim-
nixantes: seueriter corripere: et pro modo delicti
plectere debeat.

Nulla re magis Ecclesiæ, publicæq; vtilitati con-
suleretur, q̃; si summus Pontifex, & collatores or-
dinarii, secundū Concilii Basiliensis placita, Acade-
mus purioribus & incorruptis potestatem faceret,
significandi eis subinde viros literatos, ad regendā
Ecclesias idoneos, quos ipsi quibuscuq; aliis minus

idoneis in collatione beneficiorum, & præfertim
Parochialium Ecclesiarum præferrent, modo tamen
personaliter illi non detrectarent residere.

70. Vbi fundatæ nou sunt, debent singula collegia
secundum Decreta concilii Lateranen. vt parua fue
rint vel magna, ita scholas paruas vel magnas apud
Collegia erigere, quibus præficient Magistros &
pædagogos incorruptæ vitæ, à quibus tam pieta
tis Christianæ prima principia, quàm rudimenta
literarum incontaminata adhuc, & quorumlibet
studiorum capax iuuentus hauriat: atq; vbi mul
tos est adolescentum numerus, in classes diuidi po
terunt, Debet autem eis prælegi hoc tantum, quod
innocentiæ illius ætatis conueniat, Væ enim ei qui
scandalizauerit vnum pusillorum, qui in me credunt,
ait Christus. Idcirco sedulo curandum, ne prælegan
tur eis libri obsceni, suspecti, aut cōragiosi, eorum,
qui perfidiæ suæ virus, religionisq; & pietatis odiū
tenicæ iuuentuti suis scriptis, quæ per hanc tempe
ratem ædidere, instillant.

Sed vbi collegia non sunt, debent in singulis ci
uitatibus esse scholæ, quarum magistri boni, ho
nesti: & docti sint.

71. Præter Pædagogia vero, habeatur in collegiis
Theologus, qui certis horis interpretetur Biblia, ac
de re Theologica doceat iuniores Canonicos, Vica
rios, & alia collegii membra: vbi quisq; ad lectio
nē: suæ professioni & instituto cōgruentem: tene
bitur comparere. Huic vero quomodo: & vnde
providendum sit de victu: in concilio Lateranen.
cōstitutum est, ita nimirum, vt vnius præbendæ præ

mentus ei : donec in docendo perstiterit, assignetur,
Si sufficient : sin minus : vt aliunde suppleatur : &
tantū huic : quantum satis sit : suppedietur.

De Hospitalibus pauperum, infirmo- rum, & peregrinorum.

Sanctorum patrum constitutionibus olim san-
ctum fuit: vt bonorū Ecclesiasticorū pars quar-
ta cederet pauperibus. Hinc apud collegia : &
monasteria antiqua : Hospitalia extracta sunt, quæ
nunc passim aut in vsus alios sunt cōuersa, aut iacet
neglecta, non sine graui impietatis piaculo: veni-
mile est cum Ecclesiastici, patres pauperum haberē-
tur & essent: fideliterq; bona cōmissa dispensarent,
Imperatores : Reges : principes : & locupletes ho-
mines: permotos : vt tam amplius prædijs Episco-
pos collegia, & monasteria ditarent. Debent igitur
Episcopi : collegia : & monasteria rursus ædes illas
sicubi collapsæ sunt, instaurare, Vbi vero extant,
cōseruare: redditus quoq; ad eas destinatos, ac olim
separatos, de quibus constat, in nullū vsum alium
conuertere. Qui si forsā cum cæteris redditibus,
& bonis alicubi confusi sint, & hodie ignorentur:
debet nihilominus ædibus illis, de omnibus ad in-
firmorum curam pertinentibus, ex acario cōmuni
monasterii vel Collegii sufficienter prouideri: idq;
pro dispositione Episcopi : aut ordinarii Ecclesia-
stici illius loci.

Sic etiā reliqui ordines, qui Hospitalia habent
eadem studeant conseruare.

In eiusmodi Hospitalia recipiendi sunt viduæ & Orphani, & qui vere sunt pauperes. & ad victū quærendum sibi non sufficiunt, & potissimum eius loci, vbi Hospitalia illa sunt cōstituta, Peregrinis vero pro refectioe, nō in habitatione, aut in pauperū illorum fraudem, patere debent.

Cæterum, sicubi Respublicæ Ciuitatum, Municipiorum, aut Parochiarum suis ciuibus aut etiā peregrinis hospitalia cōstruxerunt, quorum sibi retinuerunt prouisionem ac dispensationem, curandū est, vt Administratores dent Prouisoribus à Cōmunitate delectis, quater in anno rationem, ne et ista, casu simili quo illa, pereant, & pauperū res per fraudem distrahantur. Superiorum vero omniū inspectio ad visitationem pertinet Episcopalem, aut Prælatorum, quibus de cōsuetudine eius loci cura hæc incumbit.

De Dispensatione verbi Dei, & officio Ecclesiasticæ.

Concionandi officiū sibi assumere nemo debet, nisi vocatus, & Ordinaria Ecclesiastica potestate admittus, dicente Apostolo: Quomodo prædicabunt nisi mittantur? Pertinet autem officium illud ad Episcopos & Pastores, quibus à iuramento cura incumbit. Is tanq̃ subsidiarii Coope-
ratores, quatuor mendicantium Ordines ad prædicandum verbum Dei adiuncti sunt. Permissum quoq̃ ipsis est accire ad hoc Vicarios Sacerdotes,

seu Sacellanos, quorum interdum opera videntur.
At non temere debent ignotos quosq; aut vagos
Sacerdotes & Monachos absq; Prælatorum suorum
testimoniis, seu formatis, vt vocant Canones, ad-
mittere, multo minus suspectos de fide, aut flagi-
tiosos sacerdotes, Aut Monachos fugitiuos, per
quos populus eis creditus seduci accorrumpi facia-
lius, quàm recte doceri, potest.

Ad verbi dei doctorem seu concionatorem per-
tinet, vt Euangelium & sacras scripturas sinceriter
tractet & doceat, nõ secundum sensum quem prius
conceptum, ipse ad scripturas attulit, sed iuxta sen-
sum & interpretationem sanctorum, & Orthodoxo-
rum Patrum, ita enim nec ipse errabit, nec alios in
errorem seducet. Hinc Canones suadent, sanctorum
patrum Homelias, seu euangeliorum enarrationes
in ecclesia recitari, in anniuersariis quoq; sanctorum
Martyrum diebus licebit secundum Africanum concilium
Canones, recitare eorum passionem post euangelia,
si tamen certæ sunt, & a fide dignis scriptoribus p-
ditæ.

In concione nihil prophani, incertum, fabulosum,
aut illo indignum loco adferatur, nihil suspectum,
nihil inconstans: nihil nisi quod tota probat ecclesia
& a maioribus acceptum est, vt sic forma seruetur,
secundum præceptum Apostoli sanorum verborum,
et doctrinæ sanæ: quibus sancti patres & eccle-
sia dei quæ columna est & firmamentum omnis ve-
ritatis, consueuerunt.

A quæstionibus item difficilibus & perplexis
Ecclesiastes absteat, non oportet enim ad ingenium

& eruditionis ostentationem prædicare, Sed vtiliter pro ædificatione populi. Idcirco debet se demittere ad captū auditorum, & nunc Catechistam agere, nunc interpretem scripturarum, nunc vitiorum reprehensorem, nunc doctorem mysteriorum & sapientiam loqui inter perfectos. Omnibusq; omnia fieri ad omnes Christo lucrificandos.

Nec sit cōtentiosa declamatio aut rixosa, contendere enim verbis (inquit Apostolus) ad nihil vtile est, nisi ad subuersionem audientiū, Sed modesta, sobria: seria: grauis: neruosa: qua potens sit exhortari doctrina sana. & eos qui contradicunt, arguere. Caueat quoq; scurriliter calumniari, scommata & filire: incōpositis moribus gesticulari. Concitare plebē in absentes, Clerum vel Magistratū. Qui etiā si reprehensione dignū aliquid admisisissent: nō est tamen illorū causa ad plebis iudiciū referenda, quin potius contra in omni concione admonendus est populus, vt pro Clero & Magistratu orent.

Subinde quoties locus oportunus incidit, facienda concionatoribus est mentio misericordiæ: charitatis: & bonitatis Dei erga nos: quo dubitantes & anxios: ad bene sperandū & amandū Deū inflāment. Ita tamen vt etiā iustitiæ eius, qua pro benefactis cœlum: pro malefactis Gehēnam & æternū supplicium reddit: nō obliuiscantur: quo malos a peccatis deterreant: & ad resipiscentiā: eleemosynas: satisfactiōes: & opera pietatis inducāt: ne sinea: quales Pseudo propheta: de quibus apud Ezechielem dicitur: deceperunt populum meum dicentes

Frechi
el. 13.

Pax;

Pax : pax : et non est pax : et ipse ædificabat parietem : illi autem liniebant eum absq; luto : et absq; paleis : et temperamento &c.

Frequenter etiam per hanc emergentium vndiq; hæresum tempestatem confirmandus est populus catholicæ fidei doctrina : vt subpullulêtes zizanias vitare queant. Hortandus vt verbum Dei attentus audiat : sed a catholicis & sinceris, ne sub melle verbi Dei propinet aduersarius ei aconita. Instruendus de sacramentis, & eorum mysteriis, vt eis secundû Ecclesiæ traditionem, ad salutem suam religiose vtatur, vt Missæ officio libenter intersit, votis ecclesiæ vota sua coniungat, cum sacrificiû offerente sacerdote, ipse quoq; mortem Christi pro peccatis suis, cordis sursum eleuati manibus patri offerat, frequentî confessione se expurget, corde mundo & auido salutarem corporis Christi cibum excipiat, diebus festis, sanctis tantum incumbat operibus, Breuiter ad omnia pietatis christianæ exercitia ipsum instruat & formet, inculcet quoq; sedulo Decalogi præcepta, eaq; explicet. Ad quod etiam proderit Catechismum sæpius relegere.

Ad postremum, & tamen ante omnia meminerit ecclesiastes, vt exemplo Pauli castiget corpus suû, & in seruitutem redigat, ne vbi aliis prædicauerit salubriter, eosq; ad pietatem adduxerit, ipse seruus sit ventris & peccati, ac reprobus efficiatur.

De administratione sacramentorum,

D

Ecclēsia quæ sola Sacramentorum thesaurum
a Christo accepit, nouit etiā verū ac legitimū
eorū vsum, custoditq; substantialia ipsorum
immutata, Ceremonias vero, quas plerunq; signifi-
cationis aut pietatis excitandæ gratia, vel ipsa insti-
tuit, aut ex traditione Apostolica accepit, & oratio-
nes solēnes, ac Ritus in administrando pro vtilitate
& ædificatiōe Ecclesiæ, mutare potest & solet, quā-
tamē potestati nemo priuatus sibi vsurpare debet,
Sed potius sequi in omnibus receptā vniuersitatē,
tum ob reuerentiā atq; obedientiam, quæ debetur
sacris Canonibus, antiquis traditionibus, & impe-
ratorū piissimorum legibus, tum ad confusionem
& schismata in Ecclesia Dei vitanda, iuxta illud Apo-
stoli: si quis videtur contentiosus esse, nos talem
cōsuetudinem nō habemus, neq; Ecclesia Dei.

Ne vero hæc tanta Dei beneficia, quæ ad omniū
salutem a Christo instituta sunt, ignorentur, aut
putentur ociosa esse spectacula, nec suo habeantur
loco vel etiā indignē tractentur. Debet populus in
eorum administratione (vbi cōmode fieri poterit)
frequenter etiā in concionibus, vbi inciderit locus,
doceri, quid in sacramēti cuiusq; collatione agatur,
quis sit eius fructus, quid velint signa externa, quo
modo Dei virtus præsens, inuisibiliter eis ad sit,
quomodo etiā dignē vel indignē percipiantur,
& iis similia.

Rectius in Ecclesia Occidentali sacramenta lin-
gua latina quàm vernacula celebrantur, conserua-
tur enim mysteriis (vt Basilius ille Magnus ait) si-
lentio sua auctoritas atq; Maiestas. Quod autem

putauit quidam omnium referre, vt sacramentorū
Myſteria lingua omnibus intellecta, peragātur, &
adminiſtrentur; quō gratia Dei, quæ illic operatur,
cognoſcatur ab omnibus, arbitramur hoc commo-
dius fieri poſſe concionibus frequentibus, ad popu-
li captū demiffis, quā paucis illis verbis, quibus
in ſacramentorum celebratione Eccleſia vtitur: iſ-
demq; myſticis & ſacrationibus, quā vt a' quo-
uis e' vulgo ſtatim intelligantur. Et ſanè ante vile-
ſcent vulgo ſacramenta, lingua vernacula celebra-
ta, quā vt ſuo habeantur loco, debitaq; venera-
tione colantur, quippe quod ea quæ captum, inge-
niumq; noſtrum excedunt, attentius miremur atq;
obſeruemus: intellecta vero propemodū negligā-
mus, attamen vt in Baptiſmo Abrenūtiationes, &
profeſſiones fidei, ſecundum antiquas Agendas, &
in matrimonio, ſicut hætenus conſuetum eſt fieri
in Eccleſia catholica, conſenſus contrahentium, lin-
gua vernacula requirantur, non improbamus.

De adminiſtratione Sacramenti Baptiſmi.

Quamuis orationes illæ ſolennes & ceremo-
niæ, quibus circa Baptiſmū Eccleſia vtitur,
non ſint ſacramento eſſentiales, nō poſſunt
tamen abſq; graui ſacrilegio contemni, nec omitti
ſine ſchiſmate, aut animæ periculo, niſi facultatem
eripiat neceſſitas. Statim enim a' tempore Apoſto-
lorū cœpit cōſuetudo illa, quā Eccleſia huc vſq;
religioſe obſeruauit, vt baptizarētur fideles in aqua

in uocatione nominis Christi, ad baptizandum benedicta, & prius exorcisaretur, exufflareturq; contraria potestas, & signum crucis fronti baptizandi imprimeretur, auresq; ei aperirentur, ad audiendū deinceps verbū Dei, & sal sapientiæ signatiuus ori iniiceretur, & Diabolo per se, vel spōsore suos abrenunciaret, profitereturq; Symbolum Apostolicū, & in pectore, ac scapulis tanq; nouus Athleta inungeretur, cui contra diabolū pugnāturo, & cordis (quo creditur ad iustitiam) constantia opus est, & corporis robore, ad mandata Dei opere implenda. Ac post immersionem iam Christo incorporatus in vertice vngebatur, induebaturq; veste candida, custodiendæ innocentiae signo, atq; ita præferebatur ei cereus ardens, tanq; per tenebras mundi in luce ambulaturo. Quibus ceremoniis significatur, quid tota vita exercere, meditari, cogitare, & operibus implere debeant Baptizati. Ideo sapius debent hæc populo exponi, vt professionis suæ, qua Christo initiati sunt frequenter admoneantur.

Curandum est etiam, vt susceptores seu sponsores paruulorum sint prouectæ ætatis, in fide probe catechizati atq; instructi, quo nō ore tantum, sed & mente ac serio ad interrogata respondere, suum munus intelligere, & paruulos ubi adoleuerint: in fide orthodoxa (si res postulat) instituere possint. Id enim ipsorum (quā pro paruulis baptizandis Deo & Ecclesiæ faciunt) sponsio requirit.

De administratione Sacramenti confirmationis.

Eppiscoporum est ad confirmandos baptizatos suam diocesim frequentius circuire. mysterii huius originem, & Chrismatis arcanum, si non per se, saltem per concionatorem idoneum populo exponere, pro captu tamen paruulorum, ut & ipsi hinc aliquid fructus percipiant.

De Missæ ceremoniis.

Canon Missæ, quem tot iam seculis retinuit Ecclesia Dei, nihil continet quod non sit consonum illis, quæ à tempore Apostolorum apud altaris sacrificium supplicata, pronunciata, vel obseruata sunt, id quod liquet ex antiquorum veteris ecclesiæ patrum scriptis, in quibus ipsa canonis verba alicubi est reperire, ut prorsus sacrilegium sit, eum vel dammare vel auctoritate priuata immutare. Debet idcirco ille, quemadmodum hactenus factum est, in Missa religiose ac submissa voce (quo mysteriis tam tremendis sua conseruetur autoritas) pronunciari.

Quod ad reliquas Missæ partes attinet, etsi omnes illæ nihil sint aliud quam aut laudes Dei, aut preces Ecclesiæ, aut lectiones sacræ. Et ideo minime negligenter habendæ, tamen si quas nouas collectas, sequentias, præfationes, & id genus res vel indoctas vel incertis et apocriphis historiis innixas: aut missæ sacrificio parum congruentes recentior ætas intulerit, tales omnes tollendas censemus, atque ad probatissimas

morū codicum fidem restituendas, debentq; Epi-
scopi p officio suo huic repurgationi, adhibitis ad-
cam rem. viris doctis, dare operam, quo pura, emē
data, certa, & solida existant omnia, quæ in sacratis-
simo illo officio dicuntur

Epistolæ & Euāgelia pro reuerentia quæ eis de-
betur, semper pronunciētur in Missa lingua latina,
Dominicis vero & festis diebus in Parochialibus
Ecclesiis plebi lingua vernacula exponantur, siue
ante sacrum solenne, siue sub ipso, nec concionis tē-
pore vlla missa celebretur, qua populus ab auscul-
tatione distrahatur, Sed neq; sub sacro solenni con-
uenit, vt coram podulo eodem legantur etiam Mis-
sæ speciales, quibus huc, illuc populus distrahatur,
auoceturq; vt nulli Sacro satis intendat. Verum in-
terim nō minus curandum est, ne sacrum illud pro-
trahatur æquo prolixius, generetq; potius fastidiū
auscultantibus, quā deuotionem.

Organa nihil lasciuum sonent, aut seculare, sed
quod ipsa etiam plebs intelligat religiosum ac pium
esse. Et præstiterit Symbolum totum cani, similiter
præfationem, & orationem Dominicam, quā par-
tem relinqui Organis, sicut magno abusu alicubi
consuetum est fieri.

Nec conuenit, vt sub eleuatione sacræ hostiæ can-
tentur Antiphonæ ad hoc Sacrificium non proprie
pertinentes, quales alicubi dicuntur de pace, de bea-
ta Virgine, de s. Sebastiano, aut alio quopiam Pa-
trono, quæ melius a sacro peracto cantarentur.

Et fraternæ charitatis redintegratio, & pax nō-
bis a Christo relicta poscit, vt osculū pacis, vbimos

eius dandi exoleuit, in missis solennioribus resti-
tuatur, Sic vt Imaguncula crucifixi Domini pacifi-
catoris omnium ab ore Sacerdotis, pacem populo
imprecantis, ad astantes deferatur, quam ordine, in
concordiæ & pacis Symbolum osculentur omnes.

Docendus item est populus frequenter de Mis-
sæ mysteriis, vt Missam audiens vota sua sacrifican-
ti Sacerdoti coniungat, & ad finem vsq;, donec be-
nedictionem Sacerdotalem acceperit, perseueret,
sæpius q; communicet, si non semper externa sum-
ptioni Sacramenti, saltem spiritualiter, desiderio fru-
ctus Sacramenti, et vnionis cum Christo. Verum in-
terim non minori diligentia monedi sunt, vt qui pec-
cati vinculo retinetur ligati, absq; absolutione & ve-
ræ emendationis proposito a Mysteriorum illo-
rum diuinorum perceptione abstineat, palam vero
criminosi, & qui peccati certissimam occasionem di-
mittere nolunt, siue Sacerdotes sint siue Laici, omni-
no a communione abarceantur.

Similiter docendus est populus, vt quamuis in
Missâ pie orët pro spe salutis & incolumitatis sue,
incommodis q; temporalibus vitandis, cauendas
tamen esse omnes superstitiones, quales sunt pollice-
ri alicui e certis Missis certam fortunâ, securitatem
in aggressibus temerariis, aut aliquid huiusmodi.

Tametsi omnis Missa sit officium publicum, &
ad totam pertineat Ecclesiam, nemini tamen vetan-
dum est sua deuotione priuatim vti, & quod publi-
cum est celebrare pro Ecclesia non publice, modo
cum grauitate omnia exequatur, & orationes ac le-
ctiones sacras, clare & diserte pronunciet, vt possit

a circumstantibus audiri atq; intelligi, & habeat (secundum sacrorum Canonum sanctiones) praesentes, qui Ecclesiae nomine respondeant, vt verba quae dicuntur, congruant etiam rebus ipsis. Curent etiam Episcopi, vt ignoti Sacerdotes, & qui publicis criminibus infames sunt, aut solum quæstum sectantur, ad celebrationem Sacri huius non admittantur.

Cum iubeant Canones Ecclesiastici vitalem hostiam seruari, vt semper habeatur parata pro infirmis, quibus viatico illo opus fuerit, fides & religio nostra prorsus exigit, vt in loco seruetur honorato, cum perpetuo lumine, quo admoneamur eo loco praesentem esse illum, qui lucem habitat in accessibilem, quiq; tenebras nostras illuminat.

Quando in solennibus festiuitatibus ad amplificandum cultum diuinum, aut in magnis supplicationibus ad corda fidelium compungenda, circumfertur hostia illa salutaris, omnes ludi prophani, & quicquid non valet ad veram deuotionem excitandam remoueatur, nec deferatur sacramentum extra Ecclesiam, nisi graues causae postulent, & sint qui digno illud honore, tanquam verè praesentem Christum prosequantur atq; adorent. Sed & quando ad infirmos deferatur, praeferri debet lumen, & Campanella, ad dandum fidelibus signū, pulsari.

De sacramēti pœnitentiæ administratiōe

Infinitam peccandi licentiam confessionis sacramentalis neglectum consequi piorum omnium vox est, & negari nō potest. Quamobrē decernendū,

nendū, quod & ab Ecclesia salubriter institutū est,
& à patribus diligenter obseruatum, vt quotquot
Christiani nominis sunt homines, saltem in anno se
mel peccata sua sacerdoti confiteantur, quod si re
culent facere, ab Ecclesia protinus eiiciantur, & e
nim vt saepe confiteantur ii, qui saepius peccant, pro
pria ipsorum salus efflagitat, eximiaq; cuiusdam
pietatis est, peccata statim vt commissa sunt, lugere,
confiteri, dignaq; satisfactione mortificare.

Veteres rigidiori disciplina, satisfactionem pub
licam exigebant. De quo Canones poenitētiales ad
huc extant, Verum ad seueras illas publicæ Poeni
tentiae leges desperamus, fide & charitate admodū
languentem populum, hoc tempore posse reduci,
ergo quando hoc non datur, consuetudini postero
ris ætatis insistendum est, quæ obtinuit, vt confes
sis pro Satisfactione iniungerentur orationes, Elee
mosynæ, ieiunia, & id genus opera pietatis, quibus
scripturæ diuinæ testantur, poenam peccatis debi
tam dimitti. Nōnunquā grauiorē imponuntur,
sed occultæ afflictiones, ad satisfaciendum, secun
dū poenitentis facultatē, & peccatorū magnitudinē.

Quare prudentes oportet esse Confessores, qui
norint distinguere lepram à lepra, & ita de peccatis
inquirant, ne scādalisent pusillos, ita Satisfactiones
iniungant, ut sint simul & medinales, quibus ani
mæ morbus curetur.

Quo vero quam minimum retrahantur homi
nes à confessione, videtur nobis hoc tempore pro
fecto expedire, vt confiteri volentes non ad vnum
solum cogantur, sed vt pluribus (idoneis tamen)

Sacerdotibus, fiat absoluendi potestas, etiam in casibus reſeruatis, quos adire ſit omnibus liberum. Idq; pro arbitrio Episcopī, & ordinarij loci.

De Vnctionis extremæ administratione.

Pro more, quem hætenus tota ſeruauit eccleſia ſacramentū vnctionis ſupremæ fidelibus impartiendum eſt cū Letaniis & orationibus, huic negotio congruentibus, quales ſunt illæ, quas a maioribus acceptas, tota Eccleſia ſeruauit. Studebitq; ſacerdos infirmum conſolari, atq; a curis & deſiderijs tranſeuntis huius vitæ ad ſpē ſalutis æternæ erigere, Diabolū & terrores eius non formidare, in Chriſti miſericordiam, qui nouit ſigmentum noſtrum, & tolit iniquitates noſtras, pro quibus & mortem ſuſtinuit, tota mente ſperare ac fidere, atq; ita confirmatū, cū benediſtione Chriſto cōmẽdare. Nec abs re fuerit, vt rediens ſacerdos habeat oratiunculam ad comitantem multitudinem, qua infirmitatis humanæ admoneantur, & vt pro laborante in extremis ſtudeant ſeruentius orare.

De Sacramenti matrimonij administratione.

Qui matrimonio iungi affectant, debent doceri, vt ſciant, qua religioni & fide nubatur in Chriſto, & clam deſtinā illa, quæ carnaliter Chriſti incitante ſola Venere, præter Eccleſiæ ritū contrahatur, nō eſſe religioſa, & Chriſtianis

digna matrimonia, & quāuis illa (vbi contrahentes fuerint personæ legitimæ, sint rata, veraq; matrimonia, nō tamen ob id esse Deo grata, vt potest gratia sacramentali destituta, donec viciū suū emendent, & Ecclesiæ legibus subdantur. Ideo iungendi matrimonio admoneri debent, vt parentum & amicorum vtantur cōsilio, exemploq; Thobias, ieiuniis, & orationibus sese præparent, accommendent gratiæ Dei, qua quod reliquū est vitæ deinceps peragendum erit. Neq; enim possunt filii sanctorum (vt in sacris dicitur) ita coniungi, sicut gentes quæ ignorant Deum.

Nec debet sacerdos sacramento huic alibi, q̄m in Ecclesia (quæ est proprius sacramentorum locus) benedicere, nec admittere, seu coniungere quoslibet sibi oblatos, nisi quos post proclamationes, vt minimum tres, tribus diebus festis sibi succedentibus, ad populum in concione publice factas, cognouerit nullis impedimentis irretitos, quosq; examine facto, exploratū habeat, nec cogi ad hanc copulam inuitos a parentibus vel cognatis, sed animo eam libero appetere.

De ceremoniis Ecclesiasticis.

Cum ceremoniæ sint pietatis incitamentū quoddam, & alimenta, quibus sublati, ipsa quoque irigeat, laqueſcat, atq; emoriatur pietas, nulla vnquam religio absq; ceremoniis potuit constare. Id circo ceremonias maioribus nostris hominibus religiosissimis vsitatas, retinēdas, reuocandasq; cen-

semus, non quidem propter speciem operum, aut signorum externorum vim & meritum, sed quod ad varios pietatis vsus valeant, nec item, quod in ipsis fiducia salutis sit locanda, sed quia exercitia quædam sunt, quibus corpus simul cum mente ad Deum, seu cultum eius, attrahatur.

Sic secundum doctrinam Apostolicam orant viri nudato, scæminæ velato capite, & genua in terrâ figimus, corpus cum spiritu humiliantes, & tundimus pectus, quod malefactorum conscientia dolere debebat, & conteri.

Sic in terroribus ac periculis, in clamato nomine Christi, signamus nos signo Crucis, qua diabolo in nos potestas imminuta ademptaq; est. Idem ituri dormitum propter timores nocturnos facimus, Et mane quoq; surgētes, quo tota die a malis protegamur hoc signo muniti, quin Tertuliano teste antiqui Christiani olim siue uestes induerent, siue deponerent, siue domo prodirent, siue aliud quid agerent, aut inceptarent, ad singulas actiones consignauant se cruce. Nō potest enim negligere pietas vera Christi signū, aut a cogitatione eius, qua signo illo renouatur, esse ociosa. Sic cibū & potū sumebant, benedictione præcedēte, memores illius apostolici, sanctificatur per uerbū Dei & orationem.

Hinc & Aqua, & Sal, & Herba, & Agnus paschalis, & fructus noui, aliæq; humanis usibus necessaria (de quibus ad Adam, in quo peccauimus omnes, dictum est, Maledicta terra in opere tuo) benedicuntur & sacrantur in nomine Christi, per orationem qua petit Ecclesiæ Minister Sacerdos,

ut Deus illa ipsa ad sanctificationem, & salutis nostræ profectum, potentia & bonitate sua, contra aduersarias potestates, incantationes, Magias, fraudes & machinationes inimici, qui nocere hominibus nõ desinit, nobis concedat valere. Et valent utiq; fidelibus, ob benedictionem Sacerdotalem, per uerbum Dei, & orationē, quæ alioqui nullam aduersus spirituales nequicias, & potestates inuisibiles, in seipsis uirtutem habebant, atq; hinc adeo cū aspergimur Aqua benedicta, oramus mente & habitu, ut a peccatis amplius lauemur, cū Salem summum exorcisatum, ut uitam nobis, & sermonem omnem concedat Deus habere sale conditum.

Cereos autem accendimus, in gloriam illius, qui lucem in habitat inaccessibilem, & illuminat omnem hominem uenientem in hunc mundum. Sed & sanctos luminibus ueneramur, quos uiuere cū Christo in gloria, in regione lucis prædicamus. At in fide defunctis cæteris, lucem ad sepulturam præferimus, orantes, ut lux perpetua luceat eis.

Thura incendimus significatione, quod oportet orationes & desideria nostra sursum ad Deum, cū odore bonorum operum, ascendere.

Processionum alias lætas ducimus, in modum cœlestis cuiusdam exercitus ordine compositas, de Christo gloria & triumpho exultantes & canētes, Quia de causa crucis signū & vexilla in aëra sustollimus, ad significandum aëreæ potestatis expugnationem. Alias agimus tristes & solliciti in tribulatione, quam peregrini hoc exilium peragrantes patimur, ueniam peccatorum, & misericordiam pro

quindicta, supplicantes.

Consecramus item Ecclesias, altaria, calices, pallas
uestes sacerdotales, campanas, aliaq; Ecclesiæ uasa,
quæ usibus eximuntur ciuilibus seu prophanis, &
ministerio tantum sacramentorum Christi aptan-
tur ac mancipantur: ut sciamus in Ecclesia, non nisi
sacris & diuinis rebus uacandū, gratia Dei illic seu
numine quodam præsentē: campanis uero ab ope-
ribus & negociis secularibus, nos ad orationem
laudes Dei, & sacra mysteria inuitari, cogitemusq;
ē tanto uasorum apparatu, & tot consecrationi-
bus, quanta reuerentia sacrificium corporis & san-
guinis Christi, a rebus prophanis sit discernendum,
& diiudicandum.

De quibus omnibus debet populus sedulo ac
frequenter doceri, ne ceremonias religiosissime in-
stitutas, in abusum, aut superstitionem vertant, sed
ad pietatem exercendam, ipsis utantur, atq; pro-
cessiones rebus secularibus ac uanis proscissis sint
graues, ordinatæ, honestæ, ac Christiana religione
dignæ: Reprobi uero, & quibus studia ista pieta-
tis vilescunt, redarguantur.

De disciplina Cleri & populi.

Disciplinæ iam pars bona tradita est in descrip-
tione officiorum. Etenim ut suum quisq; præ-
stet officium, præcipua est disciplina regula,
hoc tantum restat, ut vitia quædam publica, quæ
emendationē, concilii definitione nō expectata, re-
quirunt, retexamus.

Contra ordinem & dignitatem cleri cum primis
sunt **luxus & avaritia**, quas res etiam plebs execra-
tione dignas in clero ducit. Debet igitur clerus a
luxu prophano, fastuoso, carnali, prorsus esse alie-
nus, & primū seruare decorū in habitu, & incessu.
Sit habitus honestus & simplex, non limbis, non
scissuris comptus: mundus tamen: superior vestis
sit talaris: nec incedant clerici cum multi famulitii
strepitu, aut gladiis accincti terribiles, sed venerabi-
les, qui aliter se contemptibiles reddunt.

Mensa quoq; sit frugalis, nec lauta nimium, nec
sumptuosa, pomposus vero esculentorum appara-
tus, & exquisitæ ad luxum delitiæ, longus accubi-
tus, & commestationes frequentes, detestandæ ac
fugiendæ. Similiter infamis & sacris litteris damna-
ta ebrietas, & studium cōpotandi, atq; ad æquales
haustus prouocandi, Cui propheta vix imputatur,
Vix inquit, qui potētes estis ad potādū vinū & viri
fortes ad miscendā ebrietatē, Quin sacris canonibus
decretū est, tales ab officio & beneficio suspendere.

Porro quis ferendum putet? vt scortationi indul-
geant, & adhæreant concubinis, qui sacrificii & ora-
tionis, ad quam debent perpetuo esse accincti, cau-
sa, coniugio etiam alioqui honesto & licito abstinēt.
Qui adharet (inquit Apostolus) meretrici, vnum
corpus cū ea afficitur. Tollens ergo membra Chri-
sti, faciam membra meretricis? Quibus verbis signi-
ficat Scortatores à Christo excidere. Tantam ergo
indignitatem in Clero, magna poenarum seueritate
veteres persecuti sunt. Concilium Neocesariense,
Niceno antiquius, statuit Presbyterum, qui vxorē

duceret, ab ordine deponendum si: fornicaretur autem, vel adulterium committeret, etiam extra Ecclesiam abiiciendum. & ad poenitentiam inter Laicos agendam redigi debere. Vt autem non ferant hæc secula tantam seueritatem, & sit mitius agendum, Sacerdos, Diaconus, & Subdiaconus fornicationis adulterii, aut suspectæ familiaritatis conuictus, remota protinus concubina, primum nõ poena pecuniaria, sed suspensione ab officio & beneficio secundum scandali grauitatem plectendus est. Qui si facinus non emendet, & iterum conuincatur, plectatur seuerius. Vbi vero apparuerit eum effinem & incorrigibilem factum, & nec pudore infamiæ retineri, nec poenis abarceri a scelere in modum equi & muli, quibus non est intellectus, beneficio secundum canones prorsus priuetur. Sed & concubinas, quæ post hæc cum Clericis cohabitare sibi permiserint, per excommunicationem ab Ecclesia & cœtu fidelium expellere oportet.

Et ne tantum dedecus Clericalem dignitatem amplius dehonestet, reuocandi omnino sunt iuxta canones antiqui. Concilium Niceanum non permittit Episcopis, Sacerdotibus, Diaconis aut Subdiaconis habere domi subintroductam, seu extraneam foeminam, nisi forte aut matrem, aut sororem, aut amitam, aut tales quæ fugiant suspicionem. Conciliū Carthaginense iiii. cui Augustinus interfuit, extendit hunc Canonem etiam ad fratrum vel sororum filias. Sic & Canon a Siricio latus, nullas foeminas Clericis permittit cohabitare, nisi sanguinis necessitudine Clerico iunctas. Verum suspicionem nõ fugiunt

giunt iuenculæ, formosæ, lasciuæ, cultæ, procaces
imperiøs, ociosæ, impudentes, curiosæ. Si admit-
titur ergo quæ suspicionem fugiat, annosa, quæ an-
num quadragesimum superauerit, statæ formæ, ve-
recūda, sobria, pudica, inculta, laboriosa, seuera, &
quæ testimonio publico casta est vidua vel virgo
senex, in ministerium domesticum allumi potest, &
ne cū tali quidem familiaritas nimia est habenda.

De pluralitate beneficiorum.

Tollenda est etiam ex Clero omnis Symonia
& ambitio. Ac quia sine graui Ecclesiarum
detrimento accidere non solet, vt aliquis plu-
ra quàm vnum (maximè si curata sint) beneficia
occupet, solus enim per omnes Ecclesias, si mu-
nere suo rectè ac diligenter fungi velit, nec offi-
cium per soluere, nec rebus earum necessariam cu-
ram impendere valet. Curandum est, ne quis plu-
res quàm vnā Metropolitanas, aut Cathedra-
les Ecclesias teneat, & ne clerici singuli in poste-
rum plura, quàm vnum beneficia acquirant: atq;
obtineant.

Sed quia tenuitas beneficiorum facit, vt cum eo-
rum singula multis in locis Possessores suos alere,
atq; sustentare nequeant, causam arripiant, cur plu-
ra beneficia coaceruent atq; possideant. Archiepi-
scopi, aut certè Episcopi curent, vt per vñionem,
aut per aliam quādam viam, beneficiorum tenuior
redditus ita augeantur, vt de singulis beneficiis sin-
guli possessores satis emolumenti pro munere atq;

dignitate quisque sua habere possint. Nam ut ambrosiosam plurium beneficiorum cupiditatem, quæ malam omnino speciem habet, ex Ecclesia tollendam censemus, ita vicissim Ministris Ecclesiæ prospiciendum putamus, ut habeant, unde commodè vivere possint: Dignus enim est operarius mercede sua. Quæ in re arbitramur eorum beneficiorum, quibus cura animarum annexa est, cum primis rationem habendam esse.

In quare hanc sequantur rationem Archiepiscopi atque Episcopi, ut si census alicuius Ecclesiæ, pro veteri Præbendarum atque beneficiorum numero, ad iusta Ministrorum emolumenta non sufficiat, beneficia quæ nullam Ecclesiarum necessariam functionem habent, illis uniantur, aut Præbendæ ac beneficia ad pauciores numerum redigantur, Donec è singulis possessori cuique iusta emolumenta suppetere queant, ut causa non sit, cur unus non uno beneficio sit contentus.

Res enim ita constituenda est, ut non deserat quisque officium, propter quod datur beneficium: sed in loco beneficii sui, resideat, ac muneri Ecclesiastico, quod huic annexum est, ipse diligenter incumbat, & cogitet, quanti sit momenti vigilare pro animabus, & ab eis non discedere, pro quibus aliquando coram Tribunali Dei rationem redditurus sit: Intererit igitur non solum Ecclesiarum, sed etiam Possessorum, si plura beneficia curata iam obtineant, ut uno quod maluerint, eisque ad iusta emolumenta sufficiat, retento: cætera intra annum sine ulla pensione, resignent. Sed si forte de iure: quod

se acquisiuisse putant: recedere nolint: imponatur
necessitas eisdem, vt dispensationem sedis Aposto-
licæ, Ordinario loci exhibeant, ac si legitima fuerit
dispensatio, relinquuntur illis beneficia, Ordinarius
tamen loci iuxta constitutionem Gregorii Decimi;
in concilio Lugdunensi, quam etiam Tridentina
Synodus innouauit, prouideat, etiam per idoneo-
rum Vicariorum deputationem, & congruæ por-
tionis fructuum assignationem, Vt cura animarum
beneficiis illis annexa, non negligatur, nec beneficia
ipsa debitis obsequiis fraudentur, Atq; vt hic iis
qui iam possident, & ius habent acquisitum indul-
gendum videtur; sub hac tamen cautione, quam
concilium Lugdunense præscribit, ita in acquiren-
dis beneficiis in posterum coaceruatio eorundem,
atq; pluralitas, de qua vetus de querela, eaq; non
iniusta, omnino debet vitari, Ac ne salubre institu-
tum Curiales turbent, huc vt accedat auctoritas
summi Pontificis, quàm primum impetrandum
videtur.

Debent etiã, qui incorporatas habent cum De-
cimis, & censibus Ecclesias, quas velint retinere, nõ
nisi idoneos, atq; a secularibus ac sordidis negociis
liberos sacerdotes eis præficere, quibus de victu
& vestitu honesto, & competentia iusta prospiciat;
qua in re, si fuerint negligentes, aut auari, Episcopi
erit pro suo officio, & remouere ineptos, & ido-
neis, de Ecclesiæ illius Decimis & iuribus quantum
honestum est, decidere atq; assignare, aut reclama-
tia collegia vel Monasteria suo iure, ob negligenti-
æ culpã, priuare: Dignus est enim operarius mer-

cedesua, Et qui Euangelio seruit, de Euangelio debet viuere. Incumbit autem Parochis plus reliquis Canoniciis & Sacerdotibus curæ & laboris.

Species alia cupiditatis est, si quæstum secularium aut lucrum turpe sectentur clerici, & sint vsurarii, negociatores, vel caupones, quæ vitia omnes canones in clero damnant. Quin & scriptura dicit, Nemo militans Deo, implicat se negociis secularibus, vt ei placeat cui se probauit. Proinde nemo clerico rum amplius recipiat, quam dederit accommodato, si pecuniam (inquit concilium Carthaginense) pecuniam speciem eandem, quam dederit, accipiat, nec vltra, aut iustum precium: secus facientes, forneratores sunt, ab officio & beneficio suspendendi, excommunicandi, & ad Ecclesiasticam sepulturam, secundum Canones, non admittendi.

Nec licet mercaturas Clerico exercere, vt emat quæ postea vendat, nec item cauponem agere, vt domum suam vertat in cœnopolium, seu tabernam publicam. Nec sortilegiis, diuinationibus, aut etiâ venationibus indulgere. Quæ omnia sacris canonibus seueriter prohibita: sunt in capitulis disciplinæ: in visitationibus: & quoties deprehenduntur per Episcopum: Archidiaconos: Decanos: & eorum officiales punienda.

Sacerdotes item Nobilium & diuitum Ciuium seruitio: sine Episcopi consensu & auctoritate se non ita mancipient: vt seruiant in negotiis prophanis: & à cura sacerdotali alienis.

De Disciplina populi.

Populus præter obedientiam : quam principi-
bus & Magistratui civili debet : ad eam quoque
quæ Episcopis debet & Ecclesiæ Prælati : sine
quâ in disciplina contineri non potest , redigendus
est. Quinetiam lex diuina exigit : vt obediant Præ-
positis suis : quorum est peruigilare : vt reddant ra-
tionem de animabus eorum : quod cum gaudio quod
officii sui est : faciunt : & non gementes. Debet er-
go populus Clerum : Parochos : & illis superiores
ordines venerari : eorum facta non temere iudica-
re : nec aduersus presbyteros suos contendere : aut
duros vel refractarios se exhibere : sed morigeros
& obsequentes : Ad Christum enim : cuius legatio-
ne funguntur : pertinet eorum tam contemptus
quam honor.

Diebus Dominicis & Festis conueniat populus
ad diuina : quæ in Ecclesia celebrantur Concionem
sub silentio audiat : & memoriæ commendet : nec
strepitu aut deambulatione : vel Concionatorem
vel auscultantes perturbet : Patres & matres fami-
lias audita illic secum domum perferant , secundum
quæ liberos & familiam instruant ad pietatem : do-
ceant eos Deum : qui inspector est omnium actio-
num nostrarum : timere : eiq; salutem suam quoti-
die commendare : memoria retinere : ac frequenter
recitare Symbolum Apostolicum : orationem Domi-
nicam : Salutationem Angelicam : Præcepta Deca-
logi : & quicquid ad virtutem : bonosq; mores perti-
net , Frequenter interesse diuinis : verbum Dei atten-

Hebr. 13

te audire, orare, clerum & Magistratum honorare, erga omnes, modestos ac placidos se gerere, malā societatem fugere, horrere a' Blasphemiis, iuramentis, & execrationibus, non contendere, litigare, insollescere, nemini iniuriam irrogare, senioribus cedere increpationes & castigationes æquanimiter ferre, vera loqui, mendacia detestari.

Ceremonias quoq; pietatis christianæ, quales supra descripsimus, & instituta Ecclesiastica, de leuiis & abstinencia carniū, de Feriis, de Processionibus, & id genus ritibus, populus religiose ac pie obseruet.

Libri contagiosi, de falsa Religione suspecti, & qui Lucianico more cum Deo, cum sanctis, cum religione, & sacris iocantur, trahuntq; ea in ludica spectacula, populo curioso prohibendi. Neq; enim ad pietatem, & mores bonos faciunt. Similiter petulantes & obscenæ imagines, libidinū incitamentum multa fœditate ostendentes, vel ad ludibriū Religionis, aut ad certorum hominum infamiam effigiatae, prohibeantur. Leget autem populus libros sacros, sanctos Patres, vitas sanctorum, Historias præclarorum & fortium virorum, & tales spectet imagines, quibus ad pietatem, virtutem, studia honesta, Religionis & reipublicæ amorem, accendatur.

Abstineatur ab ebrietate & compotationibus, quibus & naturæ vires eneruantur, & malis ingentibus sæpe datur occasio, nec pateant cenopolia & tabernæ diebus festis ante sacrum in Ecclesia peractum, nisi peregrinis & infirmis. In transgressores:

Magistratus animaduertat, animaduertat quoq; in
seductores populi, qui noua dogmata ab Ecclesia
non recepta, non verentur spargere, in sacrilegos, in
periuros, blasphemos, vsurarios, adulteros, & cri-
mina publica quibus corrumpitur iuuentus, imo
omnis ætas, & propter quæ Deus respublicas sæpe
magnis cladibus afficit.

Principes seculares, & Magistratus ciuiles non
patrocinentur eis, qui in clero & populo reformari
detrectant. Sed Episcopis & Prælati ecclesiæ sint
auxilio, eorumq; decreta fideliter exequantur, & or-
dinem præscriptum cogant obseruare. Iurisdictio-
nem quoq; & libertatem, ac immunitatem Ecclesia-
sticam, Imperatorum legibus, & sacris canonibus
Episcopis & clero tributam ac firmatam, tueantur,
ipsisq; conseruent. At hi qui prælatos, Ecclesias,
eorumq; bona & prædia in fidem, tutelam ac prote-
ctionem suam recepere, & contra fidem datam præ-
fectura seu protectione sua abusi, ecclesiis quas tue-
ri debebant, graua & iniqua onera ausi fuerunt im-
ponere, Aequum est, vt præfectura seu tutela, per
Cæsareæ Maiestatis commissarios amoueantur, Eis
autem qui abusi nõ sunt, limites & ius præscriban-
tur, vt aperte constet, quid alteri, alteris inuicem
debeant.

De Visitatione.

VT visitent Episcopi suas Dioceses, nõ nupe-
ra est inuentio, aut a patribus primũ introdu-
cta. Sed hic mos ab Apostolis descendit. In

actis scribit Lucas Paulum circumambulasse regiones, in quibus prædicauerat verbū Dei, vt videret, quomodo se haberent fratres, & vt confirmaret eos in fide, traditiones Apostolorum, & seniorum eis præciperet custodiendas, quæ fere omnia sunt, quæ ad visitationem pertinent.

Debet igitur Episcopus, si non iuxta Toletani Consilii decretum, quotannis propter latitudinem prouinciæ, saltem quarto aut quinto quoq; Anno totam Dicecesim suam, per se, vel suum in Pontificalibus Vicarium circumire, ac visitare, & inter visitandum pueros Baptizatos, confirmationis Sacramento signare. Archidiacones vero, seu chorepiscopi, & decani rurales, Territorii, seu regiunculæ suæ Ecclesias, singulis quibusq; annis visitare debent. Ad hoc enim negotium in partem sollicitudinis Episcopalis vocati sunt.

A visitatione Episcopali, nulla ecclesia sit exempta, sed a cathedrali ad collegia, a collegiis ad Monasteria, nisi proprium habeant Visitatorem, A Monasteriis ad ecclesias Parochiales, ab his, ad Oratoria: hospitalia: scholas, & bibliothecas transeat: in quibus præcipua sit cura Episcopo: vt primum cleri vicia deinde populi eradicet: ne qua radix amritudinis sursum crescat: per quam inquinentur multi: siquidem neglecta visitatione Religio omnis corrumpit: & robur acquirit impietas.

In locis visitandis: deligantur imprimis viri probi: boni nominis: & fide digni quatuor: quinque: aut plures: secundum cleri: & plebis subiectorumq; pagorum multitudinem: quibus conuersatio Cleri et
populi

populi, fama quoque vulgaris sit nota, qui & ob-
stringantur iuramento ad dicendum libere, auda-
cter & secure: ira: odio, amore & affectibus prauis
remotis, ea de quibus est Visitator pro emendatio-
ne & correctione malorum percontaturus: At le-
ues Delatores: nisi probent quæ deferunt: non
audiantur.

Procedendum autem in inquisitione à capitibus
ad membra inferiora, à Decanis ad Canonicos,
Vicarios: et Ministros infimos: ab Abbatibus: ad
procuratores et Monachos: à Parochis ad sacerdo-
tes ædiles: et Ostiarios. Deinde ad Laicos reliquos
inquirendumque in Collegiis et Monastriis: utrum
Canones et regulæ obseruentur: Vtrum seruetur fre-
quenter capitulum disciplinæ: et qua seueritate: an
corrigantur illic vitia quotidie sub nascentia: an re-
uerenter et debite seruetur cultus diuinus: an satis-
faciant Maiores et Minores suo quisque officio: se-
cundum ea quæ supra exposita sunt. An sint ulli
Concubinarij: adulteri: ebriosi: criminosi: infames:
aut suspecti de hæresi, vel aliis malis. Externa, qua-
lis est habitus & tonsura, ædificiorumque & Biblio-
thecæ status inspicere debent, De prædiorum, censuum
& iurium conseruatione inquirendum, Sed speciali-
ter in Parochiis, num intrusus sit Parochus, & quo
titulo regat, an constet de ordinatione, Vtrum sit
Mercenarius, an recte administret sacramenta, an
extorqueat pecunias pro administratione. Item de
doctrina, de honestate vitæ, & familiæ eius, & an
boni Parochi munere in omnibus perfungatur. Sic
de ædilibus, de sacristis seu custodibus, num orna-

menta, vestes, sacrae reliquiae, vasa aurea, & argentea, aedificia, census, praedia bene conseruentur. Diligentissime vero inuestigandū, num deliteat in parochia Haereticus aut schismaticus vllus, num Haereticis aliqua occultis conuenticulis disseminetur, an sint, qui curiosius de fidei Mysteriis disputent, & simplicibus iniiciant scrupulos, Item de obseruantia ieiuniorum, processionum, dierum festorum, & rituum Ecclesiasticorum, de superstitionibus, maleficiis, blasphemis, periuriis, adulteriis, stupris, incestibus, odiis, dissidiis, rebellione & contemptu Ecclesiasticae & ciuilis potestatis, & iis criminibus, quibus locus, qui visitatur, solet diffamari.

Inquisitione facta, quae recte se habet, laudabit, quae male, castigabit & corriget. Intrusos parochos, vagos sacerdotes, quibus nulla certa functio est, & Monachos fugitiuos extrudet atq; eiiciet. Quae emendari per ipsum nequeunt, referet ad Synodum Episcopalem, vt illic de huiusmodi rebus, secundū Canones Ecclesiasticos statuatur.

In castigatione tamen sit prudens & circumspectus visitator, ne occulta prodat, sed quae occulta sunt, clam etiam & occulte puniat ac sanare curet. Manifesta vero publice arguat, vocatisq; secundū Lateranen. Concilij sanctiones, accusatis, non primum mulctam ab eis exigat (vt actenus) pecuniariam, sed poenitentiam Canonicam & publicam, quantum eius fieri potest, imponat, sic videlicet, vt peccatum humiliter agnoscentibus, veniamq; poenitentibus, & pollicentibus emendationem, poenitentiam salutarem, in aedificationem aliorum, ad cer-

tum tempus pro magnitudine delicti imponat.
Contumaces vero, & manifesta sua crimina agnos-
cere, & poenitentiam suscipere recusantes, si Gleri-
ci sint, a ministerio & beneficio eos remoueat, aut
etiam pro criminis magnitudine excommunicet.
Laicos extra communionem sacramentorum, &
consortium hominum locet, ab omnibus vitan-
dos, donec ad cor reuertantur, & crimina sua agno-
scentes, poenitentiae remedia suscipiant.

Postea Visitator, omnes in vniuersum moneat,
vt non solum qui publice peccarunt, sed etiam quo-
rum conscientiae occulto peccatorum reatu tenen-
tur obstrictae, ipsi aut eis quos in comitatu locios &
cooperatores habet, priuatim confiteantur, vt po-
testate a Deo Episcopis data, absolui a vinculis suis
mereantur, & secretius poenitentia saluari impossi-
ta satisfacere.

Ad hanc formam visitent quoque, & inquirent, ac
poenitentiam iniungant Archidiaconi & Decani ru-
rales in suis regiunculis, grauiora vero, & quae per
ipsos emendari nequeunt, referant, vt supra dictum
est, ad episcopum, & synodum episcopalem, pub-
lico iudicio submittenda, eorum enim visitationes
paruae quaedam & particulares sunt synodi, syno-
do maiori subiectae, & secundum eius iudicium di-
rigendae.

De Synodis.

Salus Ecclesiae, terror hostium eius, et fidei ca-
tholicae stabilimentum sunt Synodi, in quibus
potissimum eminet episcopalis apicis auctoritas.

Quapropter Apostoli, & post Apostolos, magna illa concilia, calcedonenſe & Lateranenſe ſtatuērūt, vt Epiſcoporum comprouincialium ſynodus quotannis bis celebraretur. Quod cum in Germaniis, propter prouinciarum latitudinem, fieri ſit difficile ſaltem Diœceſanam ſynodum bis quotannis celebrare eſt neceſſe, in qua Archidiaconis, Abbatibus, Prælatiſ: decaniſ: preſbyteriſ: parochiſ & clero ſuo Epiſcopus ſynodi caput præſideat: quem à ſynodo abeſſe non licet. Niſi inſuperabilis impotentia adiumat ei facultatem: Concilium vero prouinciale ſtatuērunt patres Concilii Baſilienſiſ: ad minus de triennio in triennium debere celebrari.

Primo Synodi die: præſentibus: qui ei intererūt. inuocetur Spiritus ſanctus. Deinde Epiſcopus, aut alius quiſpiam, cui ille hoc negocii impoſuerit, adhortetur omnes ad promouendum ſtudium pietatiſ, & Eccleſiaſticam diſciplinam, ac correctionem viciſſorum emergentium, poſt exhortationem legantur nouiſſimi Concilii generalis, vel prouincialiſ nondum publicata decreta.

Deinde electiſ ad publicationem Synodi vſque Laiciſ, & clericis minorum Ordinum, & eiſ qui ad ſecreta ſynodi conſilia non pertinent, intromiſſiſ illiſ tantū, qui in conſeſſum ſynodalem recipiuntur: & ſacerdotibus ac dignioriſ e' clero cauſam Epiſcopus exponat, aut alteri exponendam imponat, ob quam ſynodus ſit coacta: iubeatq; ſinguloſ per iuramentum: Notariuſ qui omnia excipiant: aſſidentibuſ: proferre in medio Eccleſiarum ſuarum: Prælatorum quoq; et populi: ſiue præſentium: ſiue ab-

sentiam vitia grauiā, quæ a Synodo corrigantur,
absq; vilo per onæ respectu, si sit pastor aliquis no-
legitimus, aut per vim intrusus. Si negligens officii
& incorrigibilis: si in Clero quis Symoniacus, si
hæretes subpullulent, si in officia diuina irrepan-
abus. Si prælatis aut parocho bene præsideant re-
belles sint inferiores, si male præsideant: si per ty-
rannidein potentiorum, aut iudicia iniusta oppri-
matur, Ecclesia, populus, viduæ, vel orphani gra-
uicrilegia committantur, si violentur Ecclesiæ iura, si
vsurarii sint in Clero vel populo, si incestuosi, si
enormia crimina admittantur, a quibus nolint desis-
tere, aut agere poenitentiam.

Audiantur quoq; appellationes eorum, qui ad
Synodum prouocarunt, & absentiu legantur Ep-
istolæ Deniq; & Laicis fiat potestas suas querelas,
modo res Ecclesiasticas concernant, aut ad iudiciu
Synodi pertineant, proponendi in scriptis, aut per
Sacerdotem vel aduocatū aliquem. Aut si viri
sunt digni, intromitti possunt, & audiri præsentes,
non vna tantum sessione, aut die vno, sed duobus
tribus, quatuorue, aut quinq; Donec fuerit Syno-
dus de causis sufficienter informata.

Perceptis vicis & querelis, consultandum inter
synodales communiter & priuatim, quæ ratione ar-
bitrentur audita incōmoda emēdari posse, & tolli.
Ad quæ consilia etiam Theologi & iurisperiti, si
res poscat, adhibeantur, Et nemo discedat, donec
causæ omnes finiantur, dimittaturq; synodus.

Vbi de executione eorum, quæ synodi pars po-
rior probabit, fuerit cōstitutum, pulsatis campanis

ad publicationē admittantur omnes, renouenturq;
Canones ad correctionem viciōrū, de quibus tra-
ctatum fuit, & eorum extirpationem valentes, aut
etiam noui, pro disciplina Ecclesiasticā ac pietatis
restitutione condantur, si quid non finiatur, reitua-
tur ad synodum prouincialem, illic discutiendum
& definiendum, rogeturq; Metropolitanus, vt q̄
primū fieri conuenit, Conciliū prouinciale indicat.
Peractis omnibus cantetur, Te Deū laudamus.
dimittanturq; Clerus & populus cum benedictio-
ne Episcopali.

De Excommunicatione.

Cum excōmunicandi potestas in hoc a Chri-
sto Ecclesiā tradita sit, vt impij, scelerati, con-
tumaces, rebelles & incorrigibiles, ab Eccle-
sia, a sacramentis & communione fidelium pellan-
tur, tradanturq; Sathanā in interitum carnis, donec
suffusi pudore resipiscant, & abnegata impietate,
digna poenitentia pro flagitijs suis ecclesiā satisfa-
ciant, eiusq; se iudicio submittāt. summa opere chri-
stianis veris metuenda est, nec leuiter in aliquem
stringenda.

Cauebit ergo iudex, ne ob alias causas, quā
criminales, eaq; valde graues ac lethales, magno
cum iudicio, diuinam hanc censuram, qua nulla est
maior in Ecclesia, proferat in eos, qui aliter corrigi
nō possunt, sic tamen, vt feriendo magis sanet, q̄ vt
prorsus interimat, atq; vt spiritus saluetur in die.

